





第四五三册

四庫全書

●上海古籍出版社

本冊目次

明名臣琬琰錄

明名臣琬琰續錄

今獻備遺

百越先賢志

元儒考略

明徐紘編……………一

明項篤壽撰……………五〇三

明歐大任撰……………七二三

明馮從吾撰……………七六三

欽定四庫全書

史部
明名臣琬琰錄卷一
三

詳校官侍講臣陳萬青

刑部郎中臣許兆椿覆勘

總校官編修臣王燕緒

校對官侍詔臣胡士震

謄錄監生臣李從亨

欽定四庫全書

史部七

明名臣琬琰錄

傳記類三 總錄之屬

提要

臣等謹案明名臣琬琰錄二十四卷續錄二

十二卷明徐紘編紘字朝文武進人弘治庚

戌進士以刑部郎出為廣東按察司僉事分

巡嶺東終於雲南按察司副使是書乃仿宋

杜大珪碑名臣碑傳琬琰集而作所輯自洪

欽定四庫全書

明名臣琬琰錄

武迄弘治九朝諸臣事蹟前錄所載一百十

有七人續錄所載九十五人凡碑銘誌傳以

及地志言行錄之類悉具焉其中如李景隆

之喪師誤國不得謂之名臣惠安伯張昇在

戚里中雖有賢聲而始終未嘗任事亦難與

勲臣並列又如陳泰墓誌中稱寇深忌其才

名咤人誣劾而李賢所作深墓志亦在錄中

乃極稱其持法嚴明雖自附識語調停究不

免彼此矛盾然明自成弘以前風會淳厚士大夫之秉筆者類多質直不支無絲飾夸大之詞尚屬可以取信且其中如郁新吳壽昌等凡數十人皆史傳所不詳考獻徵文亦足以資證據固非小說家言掇拾傳聞構虛無據者比也乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

明名臣琬琰錄

二

欽定四庫全書

明名臣琬琰錄卷一

明 徐紘 撰

太祖高皇帝御製中山武寧王神道碑

大明中山武寧王姓徐氏諱達鳳陽府鳳陽縣人家世

農業王年二十有二值元末兵興歲癸巳朕集義旅王

東麾下朕視其所以周旋幾二年動靜語默悉趨羣英

於是命為帥首凡有徵征以代朕行又幾一載明年乙

欽定四庫全書

明名臣琬琰錄

一

未朕被敵所執敵之帥首亦為我軍所執明日王來以身代朕歸朕歸縱敵帥首易王還已而從朕渡江下來石定太平時機務浩繁姑孰之郡密邇大江况元帥首曼濟哈雅率舟師以拒江西為朕肘腋之患不暇率兵四征乃命王為將擇精兵數千東取溧水溧陽王兵至守者不戰民庶咸安明年丙申春二月敗元舟師於采石王仍屯溧水三月召王從征建業越十日庚寅師入建業越七日丁酉命為大將浮江而下水陸並進東取

京口大破元師京口已定東探浙右時張士誠擅稱名號遣將已據毗陵旌旗相望其守者潛遣間諜誘我斥堠王察知遣使歸告請勒兵以討朕許之王將三萬人逼近其壘復遣歸告賊勢少窘益兵可下朕遣戰將千餘員甲士三萬師會合圍毗陵張士誠自姑蘇發其弟張九六將兵數萬來援王遣兵逆戰不移時破之生擒張九六城守猶堅朕復益新附二萬合勢共圍守者窘甚計出多方誘我新附者二萬新附帥首密從傾營入城助彼來戰初我軍環其城而營之因新附者叛四方去其三獨王固守其南開平王猶營東南外一舍之餘扼彼援兵尚未驚移間新附者叛寇迫王營王拒守且戰開平自外來援內外夾攻大敗其衆擒其守將張德餘軍敗入其城王復環而困之士誠自姑蘇遣將呂珍晝夜入城督兵以守與王相抗初彼軍雖少糧且足用戰守益堅及請降入軍多糧少戰且狐疑丁酉春守將呂珍潛遁城下師旋復遣征寧國城圍援至王發兵扼

要而戰援者敗俘斬者衆旬日城降宣城亦附凱旋時四方羣雄甚多朕固守江東數郡命王秣馬厲兵以觀四方之勢又明年戊戌命王點兵固守建業朕親下荆東金華既平二月師還未幾遣王西征皖城水陸並進徽北秋命王西征池州師抵而平陳友諒遣兵來救斬首萬級生獲三千餘時張士誠發兵來寇宜興城陷遣王將兵復取師抵城下不旬日城復生獲三千餘皆戰死其年惟楊元義兵盡歸壬寅秋王從朕下潯陽陳友諒敗潰時張士誠發兵攻長興留王守潯陽未幾召歸師次中塗今復守潯陽比至陳兵已入城守王遣兵與戰陳兵復潰俘斬數千獲其眷屬戰騎彼時潯陽之境空荒棄而弗守師旋建業癸卯春正月取豫章城降命王西取武昌不克班師中塗豫章內變王復討平張士誠北寇壽春朕親往援王為前部張兵敗北旋師金斗周圍其城戰間陳友諒大率兵寇豫章詔王罷金斗之圍歸整舟師解豫章之難秋七月師次彭蠡陳友諒罷

圍逆戰王身先諸將敗陳一巨艘死者千五百人自是
彼軍勢弱我軍威振由王身先癸卯歲留王守京朕西
征武昌甲辰武昌下克陳之後其年大會兵於京師乙
巳歲命王取淮東淮陰諸州仲夏師旋歲丙午命率甲
士二十餘萬東取吳越鏖戰於吳興阜林之野生擒張
兵六萬不戮一卒盡赴京師冬十有一月師抵姑蘇明
年丁未秋九月姑蘇下兼浙左之大半詔班師命王西
略蒼梧九溪率服還軍京師洪武元年戊申春正月朕

欽定四庫全書

明名臣奏議

即大位二月命王為征北大將軍銀青榮祿大夫上柱
國錄軍國重事中書左丞相兼太子少傅信國公命率
甲士二十五萬北定中原抵齊魯而民安所過輯兵守
禦規畫足食兵不民擾所得壯士帥而徂征不煩朕念
北齊既平命渡河南兵至大梁父老壺漿以迎西下洛
陽長驅峻函直抵潼關守者拒戰王命宋國公馮勝拔
之朕命據關而守諭歸大梁北下河內由鄴下趨趙州
抵臨清其年八月三日辛未北入元都捷奏平元復命

西下晉冀如命并陞長驅晉冀以平二年春正月召渡
河西兵入關中守者皆棄全有關內之地召歸天下太
平三年冬十有一月論功行賞命王為開國輔運推誠
宣力武臣特進光祿大夫左柱國太傅中書右丞相征
北大將軍改封魏國公五年夏五月眾議北入沙漠王
至嶺北兵疵而還勅命沿邊輯守歲鎮於燕口外餘民
自是收盡海內無虞十七年甲子太陰數犯上將朕惡
之召罷北鎮勞之於家是年臘月二十有一日染疾朕

欽定四庫全書

明名臣奏議

恐之星馳四召名醫咸至終疾勿瘳明年乙丑二月二
十七日己未薨特封中山王諡武寧享年五十有四爰
以是年四月十八日己酉葬於鍾山之陰生男四人世
子允恭襲封魏國公女四人長燕王妃王平昔言簡慮
精當提兵之時令出不二諸將敬若神明所至之處攻
城不屠與人不戲凡受命而出及功成而旋每不自矜
至於封姑蘇之府庫置元宮之美人財寶無所取婦女
無所愛忠志無疵昭明乎日月既薨朕恐歲月幽遐磨

迷偉績朕特親筆生前張我武威假兵息民混一區夏
莫安神人之勞以示子孫耿光萬世勒諸堅石樹當神
道歌曰景命昌今天彰錫我英俊兮忠良幽韜秘略兮
神機默溫溫兮兼剛秉旋鉞而徂征兮既出幡幢繚繞
兮雄氣軒昂戰騎靈兮蹄疾旌旗烈烈兮前行六軍濟
濟兮甲冑礪矛燦爛兮精銳舍之兮周廬星列屬橐令比
比懸傍刁斗聲頻兮令密山川妖魅兮奚藏彎弧力勁
兮射機槍幾披星月兮秋霜奮志海內兮執前當推堅
欽定四庫全書

撫順令我武惟揚

臣惟古功臣之薨殯有誌墓道有碑禮也然自唐以
來皆命詞臣為之惟我聖皇艾夷羣雄混一區宇雖
股肱爪牙非止一人而中山武寧王寶元助之首南
收吳越北定中原東平齊魯西入關陝大抵皆王之
功今其薨也聖上以王豐功偉績始終本末非詞臣
所能周知故親筆之刻置墓道自古人君禮報功臣
未有若斯之盛者也臣等不敏幸得同侍經筵欽觀

御製不勝感激流涕謹拜手稽首書於碑文之左文淵
閣大學士奉議大夫臣朱善承務郎左春坊左贊善
臣劉三吾承務郎左春坊司直郎臣汪仲魯翰林院
侍詔臣沈士榮孫大雅謹書

勅賜滁陽王廟碑

張來儀

洪武十六年十一月七日皇上親蒞滁陽王事實召太
常司丞臣張來儀諭之曰王之思德注在朕心今滁有
廟祀而碑刻未具甚闕典也汝其據此為文於石臣來
儀謹再拜奉詔按王諱子興姓郭氏其先曹州人王父

欽定四庫全書

少好術數常從異人遊得其書年長未娶南遊定遠邑
人神其術將有為叩之必驗邑中富翁家有處女以贅
未許稼王父過其門翁以女命來卜數成曰此貴人也
翁曰瞽目未配王父曰翁能不鄙我乎則妻之翁曰諾
既而娶不數年夫婦家日贍生子三女一王中子也始
生父卜之喜謂人曰是兒得佳兆異日非常必大吾家
既長兄弟別業三人皆善殖產元末民間有造言者王

誤中其說信之甚篤忽不事業而妄散家財陰結賓客至正壬辰汝穎兵起王識天下當變乃召所結賓客子弟拔濠梁據之時皇上潛居民間為訛言所逼懼禍將及遂挺身入濠梁抵其城為門者所執將欲加害人以告王王親馳活之撫之麾下間召與語異之取為親兵居數月王謂曰汝單居當為汝婚王暮歸與夫人飲食語及斯事次夫人忽惋惜謂王曰方今兵亂正當收召豪傑是子舉止異常若不撫於家而使為他人之親是

欽定四庫全書

明名臣碑誌

失智矣王悟遂以女妻之孝慈皇后是也王為人勇悍善戰時軍師四人名位皆在王上王素剛直不屈人下每遇事四人瞋目語難而王剖決通敏數以非語侵之眾故含忍未幾客軍首帥彭越以兵來駐濠二姓皆僭稱王王等遂為所制一日眾挾趙勢拘王於獄將害之皇上自軍馳歸或曰勿往曰再生父母有難可不赴乎遂入王家明日彭帥聞遣人釋王以歸明年夏還故里收元卒七百獻王王就令將之又明年夏染末疾未差

王聞元義兵欲歸將說之左右無可使特過廢門示意趙趙因請扶疾往卒說降之得其精卒三千既而彭趙東屯泗洲因挾王以往時皇上方駐滁陽知眾不可共事獨堅守以待復遣人賂彭趙左右賂行王得縱歸滁陽時王兵共四萬其麾下僅萬人皇上所部三萬有奇明年乙未王命守和陽既而信流言親至和陽視師值王仇人亦駐其中聞王至移軍異處皇上禮送行者俄為所艱王聞驚懼得疾尋卒歸葬滁州夫人張氏生三

欽定四庫全書

明名臣碑誌

子長戰歿次為降人所陷幼與羣小陰謀伏罪次夫人張氏生女一為妃生蜀王豫王如意王女二洪武元年天下既一剖符行封追思更生之恩實帝業所始乃封滁陽王建廟墓滁陽命有司歲時率滁人祭之臣來儀伏聞自古帝王之興雖受命於天未始不因乎人蓋必有所佑助維持而後成及其既成也其所佑助維持之者亦得以與享其榮傳之無窮而施之罔極惟我皇上奮布衣提一劍而起外無尺土一民之助而王能脫危

欽定四庫全書

卷一百一十五

難識幾微納於貳室授以兵柄慨然不少吝惜遂肇大業可謂有知人之鑒矣及今大統既定四海一家推本尋源實由於王爰建顯號俾永永血食蓋非王無以開萬世之業非皇上無以永王之名臣謹卽是爲銘銘曰皇受天命發跡濠梁方其始興附於滁陽滁陽先知藏聖於微聖有大難王脫其羈取彼神龍翼之風雲浴日咸池洗其垢氛龍騰日升伊誰之功有相自天實啟王衷皇奮無旅王命予之皇室無婉王命女之謀行諫從

欽定四庫全書

卷一百一十五

鄂國常公開平忠武王神道碑銘 宋 濂
洪武二年己酉秋七月七日銀青榮祿大夫上柱國中書平章軍國重事兼太子太保鄂國常公薨於軍中二十三日訃聞皇帝爲之震悼罷朝在廷之臣莫不灑泣越明日詔中書定議贈朔運推誠宣德靖遠功臣開府儀同三司上柱國太保中書右丞相追封開平王諡忠武八月朔日柩車至龍江上往臨奠慟哭而還親爲擇地於鍾山草堂之原營建宅兆及棲靈之祠凡百須之具一給於官不以煩其家至冬十月九日始塋復推恩及其三代皆爲王爵生榮死哀可謂至矣上猶念其功不置召臣瀛於庭而謂之曰朕東撫高麗西抵吐蕃北際沙漠南來交趾占城莫不稽首奉命計其開拓之功以十分而言王蓋居其七八朕今手錄戰伐次第以授爾尚爲文勒諸豐碑以著王之功於無窮焉臣瀛受詔而退謹再拜序而銘諸幽王諱遇春姓常氏濠州懷遠人世爲農家賦性剛毅膂力絕人歲壬辰羣雄並起江

欽定四庫全書

卷一

淮為之鼎沸時王年二十有三為羣盜劉聚所得聚親王狀貌奇偉拔於行伍而信任之王每出戰必鼓勇爭先聚深喜之王察聚所為終不能有成欲擇所依乙未聞上駐兵和州領衆數十人棄聚來歸居兩月餘請為前部先鋒上曰爾之來者為士卒糧絕故就食耳爾自有主我安得而留之王請之再三至於涕泣上曰爾姑從吾渡江俟克太平委身事吾未晚也夏六月上先抵采石磯元兵陣於磯上而磯下巨舟如織相距僅三丈餘猝難登岸王乘快舸相繼而至上麾之使前王即舍舟挺戈先登衆皆披靡遂拔采石乘勝取太平從上守禦迺始授總管府先鋒冬十月陞管軍總管丙申春二月元中丞曼濟哈雅復以兵屯采石南北不通上慮將士雖渡江而其父母妻帑尚留淮西勢莫可致命王統兵攻之王至設疑兵以分其勢而以正兵與之合及戰別出奇兵擣敗之悉俘其精銳自是元兵扼江之勢衰矣尋守溧陽攻建康功為諸將先三月從令大將軍石

欽定四庫全書

卷一

丞相徐公達克鎮江夏四月授承信校尉領軍先鋒秋九月再攻常州會有軍叛去與偽吳張士誠合徐公被圍於牛塘王與諸將力戰大敗其衆擒士誠梟將張將軍德冬十有一月陞統軍大元帥丁酉春三月遂克常州遷中翼大元帥夏四月從徐公下寧國秋八月克馬馱池冬十月取池州戊戌春擢江南行中書省都督馬步水軍大元帥冬十有二月上親取婺州己亥夏四月轉鎮國上將軍同僉書江南等處行樞密院事中婺城尋命攻衢州降之冬十月陞僉院十有二月攻杭州庚子夏五月召還京師從徐公拔安慶趙普勝之水寨時偽漢陳友諒揚言援安慶王策其必攻池州以羸弱守城伏銳士於九華山明日友諒兵果來攻城伏兵四合俘殺萬餘人六月友諒入太平犯龍灣王共謀擊敗之已而上整舟師襲友諒留王守京師軍民無敢譁辛丑春三月拜江南行中書省參知政事秋七月從上取安慶破江州回守龍灣冬十一月張士誠出兵寇長興上

時駐九江聞報還京師命王往援士誠兵敗俘殺五千餘人士寅春修婁慶城羅友賢搆亂據池州神山寨將與士誠通抗欽震動命王往攻之癸卯春正月擒斬羅友賢餘黨悉平三月張士誠遣兵圍劉福通於安豐王從上擊之將戰王突入其陣三戰三勝敵兵大敗而去俘獲士馬無算遂同徐公圓廬州凡三月城將下適陳友諒攻南昌王解圍而還秋七月從上率諸將往援八月遇友諒於彭蠡湖之康郎山王與之聯舟大戰呼聲動天地無不一當百縱火焚偽平章舟風急火熾十里之間湖水盡赤敵將張定邊素號猛奮前迎戰王射之定邊中矢走友諒乃退保鞋山諸將以友諒兵尚強請縱其去王獨不言及我師出湖口皆言江流湍急欲放舟而下上知其情命以舟扼上流王應之諸將乃遡流而上舟蔽江面控湖口者旬有五日友諒軍食乏出江求戰王遣火舟火筏禦之敵兵奔潰追北數十里與之酣戰自辰至未不解上所乘舟及王舟皆膠於沙王

既脫御舟而已舟被圍復力戰而脫於是友諒中流矢死士卒十萬皆降未幾其臣立友諒之子理於武昌冬十月王帥師討之四面合圍甲辰春二月理銜壁出降荆湖之地望風皆附陞中書平章政事秋七月從徐公取廬州八月遂自將兵平臨江之沙坑麻嶺十洞牛敗諸寨進取贛州乙巳春正月克之悉定南安南雄韶州夏五月還兵取安陸襄陽冬十月從徐公克泰州丙午春三月復從克高郵夏四月淮安濠泗徐宿安豐皆下秋八月諸將攻浙西師次太湖偽萬戶尹義等逆戰王擒之直趨湖州之毗山與敵兵水陸鏖戰敵兵大潰遂抵城下塞其四門晝夜環攻之偽丞相張士信悉發境中兵為援屯於舊館出我師之背王統奇兵由大全港入結營東阡復出敵背且填塹溝港絕其歸路士誠知事急親出兵拒關王一鼓勝之士誠復遣其將徐義統赤龍船親軍來援王復擊之敗於烏鎮冬十月舊館降得兵六萬十有一月湖州亦下遂進圍平江丁未圍之

益急士誠收合餘燼猶背城百戰降其將士且盡秋九月始克之縛士誠來獻籍其兵二十有五萬乃加授中書平章軍國重事疏封鄂國進爵上公冬十月復授征北副將軍同徐公奉命北伐戊申春正月上即皇帝位國號大明改元洪武王與徐公下山東諸郡遂攻汴梁守臣李景昌遁進攻河南敵兵五萬屯於洛水之北將出迎戰王布陣既定單騎執弓矢衝入其隊敵發二十騎攢刺王王一箭中其前鋒大呼殺入悉獲其衆而

欽定四庫全書

卷一百一十五

河南諸城先後皆平上幸汴京謀取燕都秋七月徐公與王渡大河河北諸郡又平八月三日燕都不戰而克元君北奔師次太原其守將庫庫特穆爾帥衆來禦其鋒銳甚王與徐公謀曰我騎兵雖集而步卒未至何以能戰莫若遣精騎夜劫其營其衆可亂衆亂主將可縛也徐公如王言庫庫特穆爾果中傷而遁己酉春正月進攻大同竹真棄城走河東又平遂西入秦張良弼遁李恩齊迎降奉先鳳翔鞏昌臨洮又平夏五月元將伊

蘇侵通州有旨命王以所部軍東還拒之遂擣永平過惠州獲江文清士馬以千計至大寧伊蘇遁破開平元君又北奔追至北河俘其宗王三人及平章鼎珠等凡得軍士萬人車萬兩馬三千牛五萬全師還燕次柳河川得疾而薨享年僅四十耳王之為人守謙而不矜有功而無過運籌決勝之方不學而能其從大將軍東征西伐而能遵守節制及其自將兵則所至無不克捷由其智識明而材力雄故施之各得其宜嗚呼若王者可

欽定四庫全書

卷一百一十六

謂開國之殊勲者矣王之曾大父四三府君累贈銀青榮祿大夫上柱國中書平章政事追封開平王諡莊簡妣張氏追封開平王夫人大父重五府君累贈開府儀同三司上柱國少保中書平章政事追封開平王諡安穆妣陳氏追封開平王夫人父六六府君累贈開府儀同三司上柱國太保中書右丞相追封開平王諡靖懿妣高氏追封開平王夫人妻定遠藍氏封開平王夫人子男三人曰茂曰昇曰森皆上所賜名女三人長許為

皇太子妃餘皆幼臣瀟聞之昔日唐太宗起義兵而定天下當時有尉遲恭者棄劉武周仗劍來從其後輔成唐業而恭之功為多於是生有鄂國之封歿有忠武之謚今王之功非恭之所可及上之所以遇王者封謚與之雖全而其王爵之加恩數優渥揆之於唐誠又過之史臣所謂君臣相遇千載一時者豈不異世而同符也哉是宜銘諸貞石傳之千萬世一以貽聖天子垂念功臣如此之至一以著王之熱烈於不朽云爾銘曰聖皇

欽定四庫全書

明名臣琬琰錄

開天豪傑四從龍興而雲虎嘯而風義旗所指山岳震動颶飈霆吞孰不神竦維忠武王其氣至剛仗劍來從飛渡大江無堅不摧無敵不碎席卷長驅易如拾芥平吳定越帖荆撫淮威聲所加大小畢來齊魯既寧汴洛亦定直指幽燕不戰而勝元君遠逝六軍倒戈本根既撥何有條柯乃收晉冀乃清秦隴乃徇遼海人百其勇茫茫朔漠漂河所經誓將剗滁邊塵弗驚王之忠精上貫天日煜其有光亘古不沒副戰百捷備殫勤勞光輔

帝業翊運之勛靖遠之威在古或罕於今見之大功垂成王忽長逝當宁興哀如失一臂爰加恩寵用錫王封袞衣鋪裳炤耀泉宮天子曰噫未懽朕志其推爾爵上褒三世死生哀榮孰可比焉王雖云沒生氣凜然鍾山之陰隧道有石詞臣勒銘垂示千億

欽定四庫全書

明名臣琬琰錄

明名臣琬琰錄卷一

欽定四庫全書

明名臣琬琰錄卷二

明 徐紘 撰

曹國李公岐陽武靖王神道碑銘

有序 董倫

洪武十有七年春三月開國輔運推誠宣力武臣特進榮祿大夫右柱國大都督府左都督曹國公同知軍國事李公薨於第皇上輟視朝三日親製文遣使致祭追封岐陽王諡武靖賜塋地於鍾山之陰越三年秋有司

欽定四庫全書

明名臣琬琰錄

二

奏王神道碑石已具而未有刻辭明日詔臣倫為文撰次王之勛德以寵其子孫於無窮臣倫再拜稽首而退謹按王諱文忠字思本姓李氏世為泗州盱眙人父隴西恭獻王尚曹國長公主生王十有二歲而公主薨時元末大亂恭獻攜王走軍中幾不能存聞皇上駐兵滁陽始來見焉皇上喜甚即自養育擇師傅以教之一日取所業示近臣曰是亦可矣當於馬上習之歲丁酉乃以舍人領軍策應池州偽漢陳友諒發兵寇城王奮擊

敗之戊戌春正月進攻青陽石埭太平旌德皆下二月敗元判院鄂爾和於萬年街遂破苗獠於潛昌化獲其婦女輜重甚衆王恐士卒恃此富驕莫有門志因激怒使其盡殺所獲焚其輜重曰此何足惜能努力破敵何患不富貴乎衆咸奮厲進次淳安夜襲破偽洪元師營降其衆千餘三月會寧河王郢愈越國公胡大海兵取嚴州授帳前總制親兵都指揮使司左副都指揮兼領元帥府事守嚴州時嚴新破城壁未備而偽吳張士

欽定四庫全書

明名臣琬琰錄

一

誠遣其徒率苗獠水陸奄至王與戰大敗其衆復取所斬俘誠載巨筏中乘流而下水寇見之亦遁冬十有二月帥師攻諸暨克之壬寅春三月擢浙江等處行中書省左丞癸卯春二月苗獠將英構亂金華賊殺越國胡公王聞亂率兵馳賊委城夏四月守將謝再興據諸暨以叛上命築新城於諸郡之西以拒之秋九月再興誘士誠寇東陽王自嚴將銳師破之冬十月陞右丞乙巳春正月士誠遣偽司徒李伯昇大率其徒號二十萬寇新

城王聞之即合將士未至新城十里許有地曰龍潭立營其上新城守將遣人由間道詣王曰衆寡莫敵姑宜避之以俟大軍之至王曰以衆論之則我非彼敵以謀論之則彼非我敵且八千之謝玄破八十萬之苻堅庸非衆乎吾若未戰而退則彼勢益熾雖大軍至亦難爲攻矣莫若與戰死中求生正在今日何避之有遂下令曰彼衆而驕我少而銳以銳當驕可一戰而擒擒彼之後輜重皆汝等有也明日交戰王橫槊據鞍引數十騎乘高馳下直出陣後衝其中堅敵列騎逆戰王格殺數人出入陣中所向皆靡因督衆乘之敵遂大潰亂自相蹂躪城中將士亦鼓譟而出呼聲動地莫不一當百斬首數萬級擒將士七百餘人委棄鎧仗彌亘山丘自是張不能寧矣丙午八月召還京師陞受宸算總水陸之師下江浙冬十月師進克桐廬新城富陽至餘杭謝再興子五人嬰城固守王合圍攻之一日而拔杭守將潘允明聞之恐遣員外方彞詣軍門請降王曰師來臨城

而員外遠來得無以計緩我師乎彞曰大人奉命伐叛所過秋毫無犯杭雖孤城生齒百萬擇所托而來尚有何意乎王見其誠引入卧內歡笑款接因命條畫入城次第翼日遣歸允明遂封府庫籍軍數出城拜降王入宿於城上令曰敢有擅入民居者斬有一卒下借民釜即磔以徇由是內外帖然民皆不知有更革事就如榮祿大夫浙江等處行中書省平章政事戊申春正月上即皇帝位國號大明改元洪武二月閏中既平餘燼復合詔王討平之二年春以王為偏將軍副開平王常遇春征進迤北由遵化度鹿兒嶺敗江文清於錦川次大寧元將伊蘇逆戰一鼓敗之追至灣河斬其宗王慶生遂進次大興王度其必走乃分兵千餘伏其歸路敵果夜遁遇伏大破之斬其將鼎珠進克上都秋七月開平王薨於軍中八月詔王領其衆接援慶陽師至太原大將軍中山王徐達已討平之王聞大同受敵甚急因諭衆曰吾與若等受命而來間外之事有利於國者專之